



## **Acta sanctorum**

quotquot toto orbe coluntur, vel a catholicis scriptoribus celebrantur, quae  
ex Latinis et Græcis, aliarumque gentium antiquis monumentis

Quo dies octavus et nonus continentur

**Bolland, Johannes**

**Parisiis et Romae, 1865 [erschienen] 1866**

De S. Petro Martyre Hispali In Hispania Bætica Sylloge Sanctus parum  
notus: gesta ejus incerta: cultus sacer.

---

[urn:nbn:de:hbz:466:1-72229](https://nbn-resolving.org/urn:nbn:de:hbz:466:1-72229)

## DE S. PETRO MARTYRE

HISPALI IN HISPANIA BÆTICA

## SYLLOGE

Sanctus parum notus : gesta ejus incerta : cultus sacer.

SEculo IN-  
CERTO.  
S. Petri pri-  
mus, sed  
paucis,

**H**ispali, quæ Hispaniæ Bæticæ civitas archi-  
episcopalis est, passum pro fide S. Petrum  
martyrem Usuardus e martyrologis primus  
ad diem VIII Octobris in Martyrologium suum  
paucis his verbis intulit : Item civitate Hispali  
S. Petri martyris : Usuardum secuti sunt Mau-  
rolycus, Galesinius, Molanus, et Martyrologium  
Romanum hodiernum, iisdem fere, quibus Usa-  
ardus, verbis usi; nihil rei hujus verbis aut ad-  
dentes, aut detrahentes : Martyrologii Romani  
verba sunt : Hispali in Hispania S. Petri marty-  
ris. Usuardi quoque verbis usus ante fuerat  
Bellinus; sed pro Petri vitiose scripserat Pate-  
ris, quem errorem, qui hunc secuti sunt, Mar-  
tyrologi recte sustulerunt. Usuardi fere etiam  
verba adhibet auctor Florarii nostri Sanctorum  
Ms., qui anno 1486 scripsit : hi itaque nihil  
proprus, quod de S. Petro lectorem edocerent,  
præter pauca illa Usuardi, habuisse videntur.  
Et vero plura de S. Petro reperire, quæ quidem  
certa sint, probatisque testimoniis suffulta, omni-  
no difficile est. Si enim ceteros martyrologos  
antiquos consulueris, nescio, num inter illos re-  
periturus sis ullum, qui S. Petri mentionem faciat.  
Ad historicos Hispanos te conferes? Frustra  
quoque id feceris : altum ubique apud illos de  
S. Petro silentium : aut, si quam de hoc apud  
illos mentionem inveneris, jejuna admodum  
erit, nec aliunde, quam a scriptoribus admo-  
dum recentibus profecta, quorum aliquot a Ta-  
mayo in Annotatis in diem VIII Octobris recen-  
sitos vide.

2 Usuardi itaque potissimum est, si Sancti  
hujus Martyris memoria non omnino interierit :  
at quæret aliquis, qui is ipsi Usuardo innotue-  
rit? Vastata a Mauris Valentia, spes suborta  
erat S. Germani in Francia monachis fore, ut  
S. Vincentii martyris et levitæ exuvias possent  
acquirere. Projecti in Hispaniam ea de causa  
ex illis duo, Usuardus et Odilardus, cum S. Vin-  
centii exuvias inde avectas esse, intellexissent,  
nec earum oblinendarum spes esset, ne vacui in  
Galliam redirent, SS. Georgii et Aurelii, Cor-  
dubæ tum recens martyrio affectorum, reliquias  
sibi comparare studuerunt, et re ipsa, voti sui  
facti compotes, in Galliam delulerunt anno 858,  
ut tom 6 Julii pag. 459 et seqq. videre est. Vero-  
simile itaque est, Usuardum, cum in Hispania  
moraretur, tum S. Petri, tum aliorum San-  
ctorum Hispanorum hausisse notitiam, ac dein  
circa annum 875 iisdem suum ditasse Mar-  
tyrologium : hoc fonte fluxisse S. Petri annuntia-  
tionem Usuardinam suspicatus est Sollerius  
in Usuardo in Petri Martyris annuntiationem  
hæc observans : Petrum Hispalensem martyrem  
extra Usuardum nusquam invenio : liceat igitur  
suspiciari, eum esse de illorum numero, quos

ex Hispania in Franciam noster contulit, quemad-  
modum alibi sepe supponendum fuit, nempe cum  
alius fons non suppeteret, ex quo ipsum hausisse  
conjectaremur. Et vero nihil antiquius Usuardi  
de Petro testimonio inveniri, fassus etiam nu-  
per est Henricus Florez tom. 9 Hispaniæ sa-  
cræ pag. 301.

3 Cum itaque ab Usuardo tantum Petrus pri-  
mum memoratus invenitur, nec is plura de il-  
lo, quam nomen, martyrium, et forte palæstram  
litteris consignavit, mirum non est, vel jejune  
admodum de illo recentiores agere, vel multum  
discrepare inter sese, dum plura de illo, quam  
quæ e probatæ fidei monumentis hausere, pro-  
dere volunt. Hinc alii ex illis, seculo Christi  
primo; alii, secundo sub Trajano; alii, sub  
Maximiano et Diocletiano S. Petrum martyrium  
subiisse, suspicantur. Florez citatus post Mau-  
rorum in Hispaniam adventum id contigisse,  
conjectari posse ait, quod ab Usuardo primum Pe-  
trus memoratus invenitur : verum cur non po-  
tuerit seculo nono Usuardus Petri, licet diu ante  
passi, nec forte a scriptoribus ipso antiquioribus  
memorati, in Hispania sibi aliunde comparare  
notitiam, ac dein ejusdem in Martyrologio suo  
mentionem facere? Incerta igitur sunt hæc  
omnia : quare seculo pariter incerto illius ego  
martyrium supra illigandum putavi. Magis inter  
scriptores Hispanos, qui de Petro agunt, de ejus  
patria convenit, quam Hispalim fuisse arbitran-  
tur : non alia, opinor, de causa, quam quod illic  
martyr occubuerit : at, licet non constet, alibi,  
quam Hispali natum fuisse Petrum martyrem, ex  
ejus tamen ibidem peracto martyrio non certo  
evincitur, eundem illi nativitatæ necisque locum  
obtigisse.

4 Ceteris plura Tamayus audeat : is S. Petrum  
non modo Hispali natum scribit et origine Hi-  
spanum, sed addit etiam, parentibus ethnicis na-  
tum fuisse : sub Trajano in Dacia meruisse :  
Romam dein reversum et inter emeritos milites  
relatum, in patriam rediisse anno 105, quo Tra-  
janus quintum consul processit, Nomen dein illic  
Christo dedisse, ac annis aliquot post capite pro  
Christi fide minutum, interiisse, nempe sub an-  
num 110. Trajanus, ut vult Pagius in Criticis,  
quinto consul fuit anno 103 et de Dacia anno se-  
quenti triumphavit. Verum ea de re litem Ta-  
mayo ne moveamus : audiamus potius, unde ista  
didicerit. Ex Aulo Halo, inquit, cujus de S. Pe-  
tro carmen hujusmodi est :

Hispalis, o quantos numeras pro Nomine \*  
passos  
Martyres heu Christi, quos veneraris ad-  
hue.  
Tunc dedit artus sacros pro Numine Petrus,  
Ille tuus civis, quem tuus ardet amor.

Iste

hinc varia,  
quæ de ejus  
patria.

E

F  
militia, mar-  
tyri adjun-  
ctis.\* lege : Nu-  
mine

AUCTOR  
J. B.

Iste peregrinas Trajani sæpe phalanges  
Insequitur miles. Dacia castra means.  
Emeritus patriam repedavit consule quinto,  
Qua Christi nomen suscepit urbis honos.  
Militat in fide, qui pro caesaris omne bella  
Sustinuit valens, donec amare capit.  
Tandem mucronis canum sub cuspide caput  
Principis Hispani obtulit haustus amor.

praeteru  
narrantur,  
falsa sunt  
aut incerta :

5 Verum quid de Tamayo citatisque passim ab  
eo monumentis Nicolaus Antonius Bibliothecæ  
veteris Hispanæ lib. 7 de scriptoribus XI ac XII  
seculorum cap. 7 num. 115 sentiat, accipe : Sed  
et quo magis adhuc premitur, inquit, viri (Tamayi  
scilicet) existimatio, quamplura ipse conditurae  
suae, et aliorum recentiorum pro veteribus antiqui-  
tatisque sigillo notatis monumentis venditavit;  
qualia sunt fere omnia epigrammata illa Juliani  
Toletani, Cypriani Cordubensis, et anonymorum  
aliorum titulis inscripta, ac per totum Opus (Mar-  
tyrologium Hispanicum Tamayi intelligit) ubi  
tamen fictiones Dextri et contubernaliū aliis  
fictionibus corroborari expediens visum, non in  
veris et certis confirmandis (quod mire arguit  
stupidam hominis securitatem) sparsa. Accedunt  
his Breviariorum et Legendariorum, ut appel-  
lant, veterum exhibitio frequens, non in claris,  
et quæ sua veræ historię luce splendent; sed in  
difficillimis et apocryphis, seu verius falsis, quæ,  
nisi falsis etiam fulcirentur substructionibus « per-  
» lucente jam » (quod Juvenalis ait) ruina « cito  
» casura erant. » De Joanne Tamayo id breviter,  
ne partem hanc omitteremus litandi vero, et quod  
commissum fuit in Auli Ali libello facinus, hoc  
præjudicio facilius persuadendi. Fidem itaque  
laudatum a Tamayo Auli Hali epigramma,  
atque adeo nec exhibita a Tamayo S. Petri  
martyris Acta, illi superstructa, non meren-  
tur.

constat ta-  
men de sa-  
cro ejus

6 Porro Tamayus citatus et Antonius Quin-  
tanaduennas de SS. Hispanensibus pag. 63 scri-  
bunt, S. Petri corpus Hispani in agro S. Justæ  
sepulchrum credi; cujus rei fides penes illos esto.  
Quod vero ad S. Petri cultum sacrum attinet, ait  
Tamayus, relatum olim fuisse ejus Officium in  
antiqua Breviaria Eborensis, Hispanense, Zamo-  
rense, Palentinum, et Tudense; quod mihi qui-  
dem suspectum est, tum ob ea, quæ de Tamayo  
ex Nicolao Antonio mox recitavi; tum quod  
Florez, supra num. 2 citatus, dicat, S. Petri  
martyris Officium in nullo sese Breviario repe-  
risse: Eborensis tamen Breviarium Baronius in  
Annotatis ad hunc diem his verbis laudat: [Pe-

tri] Usuardo de eodem. Vaseus in Chron. ex B  
Breuiar. Eborensi, et Flos Sanct. Hispan. Nescio  
tamen, num hic Vaseus a Baronio recte lau-  
detur. Vasæi ad annum 306 verba sunt: Hispani  
S. Carpophorus et Abundius, S. Petrus, S. Floren-  
tinus, S. Justa et Rufina virgines, partim sub  
ipso Daciano, partim sub Diogeniano, Daciani  
legato. Corpus B. Justæ ex altissimo puteo, in  
quem projectum erat, et ossa B. Rufinæ, cujus  
corpus in amphitheatro combustum fuerat, a  
venerabili Sabino episcopo in cœmeterio suburbii  
Hispalensis sepulta fuerunt. Quibus subdit: Ex  
Breuiario Eborensi. In Breviario Eborensi an-  
ni 1548 (scripsit Vasæus anno 1551) quæ  
de S. Justa et Rufina Vasæus refert, legun-  
tur quidem, sed de Petro ne verbum quidem  
inveni: ut adeo verba illa Vasæi, uti observat  
etiam Florez, de SS. Justa et Rufina prolata,  
ad Petrum martyrem male Baronius extendisse  
videatur.

7 Æque minus, inquit Florez, in Petri Ruit  
Calendario perpetuo Sanctorum diocesis Hispan-  
lensis, anno 1578 typis edito, S. Petri Martyris  
nomen legitur, quam in Breviariis antiquis Hi-  
spanis: Galesinius tamen, ejusdem temporis  
scriptor, in Annotatis ad diem VIII Octobris  
Calendarium aliquod Hispanense laudavit, ex  
quo, uti et ex Usuardo, S. Petri nomen in suum  
Martyrologium intulit: ut sit, absque idonea  
causa S. Petrum martyrem, et omni cultu sacro  
carentem, Martyrologio suo ab Usuardo inser-  
tum fuisse, non autumo; et, si forte ejusdem  
apud Hispanenses cultus intermissus aut tenuis  
admodum fuerit, equidem seculo XVII ad annum  
24 propecto, capituli Hispanensis jussu, sede, Pe-  
tri de Castro Hispanensis archiepiscopi obitu, ut  
aiunt, vacante, restitutus fuit, ex quo tempore  
Officium S. Petri die VIII Octobris ritu duplici  
secundæ classis per diocesis Hispanensem reci-  
tari, præceptum fuit, ut Tamayus et Quintana-  
duennas scribunt: at, quia pauca de S. Petro  
martyre certo nota habebantur, visum est Capitu-  
lo lectiones de communi unius martyris reci-  
tandas præscribere, uti et Missam lætabor cum  
Credo, ut ex Ordine recitandi ac celebrandi in  
ecclesia metropolitana Hispanensi anni 1656 in-  
telligo. Idem in Officiis Propriis Sanctorum pa-  
triarchalis ecclesiæ Hispanensis et diocesis, a sa-  
cra rituum Congregatione Sixti V jussu recogni-  
tis et approbatis, auctoritate Apostolica confir-  
matis, et cura operaque Roderici Cardinalis de  
Castro archiepiscopi Hispanensis, anno 1751 His-  
pali in lucem editis, videre est.

